



Brisel, 24.4.2026. godine
MEDIJIMA

SAOPĆENJE ZA MEDIJE

Održan deveti sastanak Radne grupe za reformu javne uprave

Deveti sastanak Radne grupe za reformu javne uprave (PAR) između Evropske unije i Bosne i Hercegovine održan je u petak, 24. aprila 2026. godine, u hibridnom formatu.

Prvi dio sastanka bio je posvećen političkom dijalogu na visokom nivou kojim je u ime BiH kopredsjedavao ministar pravde BiH Davor Bunoza, a u ime Evropske unije šefica Jedinice za Crnu Goru i BiH u Općoj upravi za proširenje i istočno susjedstvo (DG ENEST) Barbara Jesus-Gimeno. Videoporukom učesnicima političkog dijaloga obratila se i direktorica za Zapadni Balkan u DG ENEST-u Valentina Superti.

U okviru političkog dijaloga s predstavnicima Evropske komisije razgovarano je, između ostalog, o upravljanju javnim finansijama, funkcionalnoj javnoj upravi i izgradnji profesionalne državne službe.

Dijalogom na tehničkom nivou u ime BiH kopredsjedavao je koordinator za reformu javne uprave Darko Kasap, a na tehničkom nivou razgovaralo se o provođenju Akcionog plana za provođenje Strategije za reformu javne uprave u BiH, o upravljanju ljudskim potencijalima u državnoj službi, odgovornosti i pružanju usluga.

Konstatovano je kako je napravljen ograničen napredak u reformi javne uprave. U narednom periodu BiH treba, između ostalog, usvojiti i započeti implementaciju akcionog plana o strateškom okviru za reformu javne uprave za period od 2023. do 2027. godine na svim nivoima vlasti, izmijeniti i usvojiti zakone o državnoj službi u skladu s principima stručnosti na državnom, entitetskom i kantonalnom nivou, te osigurati koordiniranu i dobru usklađenost zakona s pravnom stečevinom EU na svim nivoima vlasti.

Posebna grupa za reformu javne uprave je jedno od zajedničkih tijela EU i BiH uspostavljenih za nadzor provođenja Sporazuma o stabilizaciji i pridruživanju. Više o radu ovog tijela možete vidjeti na <https://www.dei.gov.ba/bs/page-stabilization-agreement>.

Direkcija za evropske integracije